

江陰縣志

卷十七 卷六

十二冊

江陰縣志卷之十七

人物二

儒林傳

宋吳漢英字長卿乾道己丑進士少孤績學得力於母自欺一語由廬江簿擢湖南運司受知於陳傅良率諸生從之講道嶽麓累官大宗正丞兵部郎官奏安邊十策及更化三劄皆嘉納施行會言者詆爲僞學論罷主管台州明道觀閒居六載講明理學綜考典故歸里後置田守祖塋讓己屋以居貧族敦倫修行不負所學晚年慕陶淵明著歸去集二十卷

江陰縣志

卷十七

人物 儒林

一

明章 庠字景序齊子元季隱敵山窮理學籌經濟隱負時望明祖爲吳王時至江邑微行訪之知其業儒有得詔別其家爲儒籍登極後徵授袁州知府陞辭賜以一匱及開視則前守以賄敗而剗其皮以納諸匱者也庠悉心爲民值歲饑停徵復便宜發倉以賑竟以是獲罪卒於官

何 遷字懋益嘉靖辛丑進士累官刑部侍郎七世祖貴以萬戶侯守江陰遂家焉遷以父調官湖廣德安復占籍湖廣文章行業高於天下子孫居江上者式微或不

能舉其行事觀茅坤所作像贊生平可概見贊曰先生

之學覺以圓先生之行靜以專先生之貌望之如名山大川先生之襟挹之如穆風醴泉其出與中朝卿大夫遊也冠冕佩玉珊珊然與漢代石渠諸儒相後先其退與州里同志者相師友也則密契心印妙悟言詮釋膠解凍彷彿乎鵝湖鹿洞之心傳嗚呼百世下過其祠者低徊憑弔猶當立懦而興頑

湯明善字汝一沐孫嘉靖庚子舉人究心理學私淑王文成司訓湖之長興湖俗親死不葬者什九明善畫地刻期一日而葬其親者數百家戊午典試四川號得人擢卽墨令多善政尤加意學校轉嚴州倅卻賄賂雪冤獄

江陰縣志

卷十七

人物 儒林

二

濬湖隄徙鬻舍補湖州轉袁州丞所在有去思祠遷淮府左長史母老乞歸加四品服致仕錢鏞死倭難移書鄉達白其功得贈卹如制輯有五倫分疏學禮葺要二書

袁舜臣字承華年十五與兄堯臣同游庠嘉靖甲子舉人其爲學天文地理律數兵刑罔不究習其作天文四季圖則謂歲差之法今臺官但知泥古而不知晷數漸移已非其舊作律呂等書則謂得聲氣之元據其法以截竹吹律驗試不差作五行棊譜色譜等書則謂一藝之微而數極萬變要不外圖書之至理年四十一疾革握

堯臣手曰古樂不作久矣天其無意於斯耶卒無一語及家事

李如一字貫之諸生敦尚理學自大父詡以來積書日多如一既能讀復能行嘗著身心二圖謂人身死非死心死乃死故圖以闡之孝事大父及父母建五祖祠置贍族莊田同時文震孟陳繼儒史孟麟及同邑繆文貞並稱其學行其從子忠毅亦有句云百年俎豆存宗子先輩風流老布衣譔有禮經緝正又刊藏說小萃

顧文熊字乘虬桂子副貢生專意經學以禮記陳澹集注無章句且多缺誤因參稽衆說分章疏解又以舊注喪

江陰縣志

卷十七

人物 儒林

三

禮多畧則以儀禮士喪禮及喪服經傳爲主遞考鄭注及賈孔二疏貫以己意補其未備名集解行世又謂禮運意指精深作或問以發其蘊究心天文得其說於袁舜臣作天象圖書三考象緯圖說嘗謂江陰分野當屬斗十五度直織女漸臺輦道之下又著孝經內外傳小學簡注翼圃新書脈學指歸本草詮要生平賦性高抗不屑俯仰時輩李忠毅遊其門謂先生之傳不在集解其爲人也孝弟自足不朽云

陸文明字瓊臺諸生通周易嘗讀朱子近思錄悅之因徧窮理學諸書年二十二過無錫會講東林書院顧端文

見之謂曰子後當爲大儒遂訂交著周易大意遠近學
易者師之璫裊起或勸謝遣生徒弗應年八十餘臥榻
上諸弟子猶環侍講論不輟

高自卑字尙矣諸生才高學博揮千金購書淹洽自喜爲
文奇肆不拘繩尺結交當代名流鼎革後閉門授徒潛
心性命之學生平精於六書擬著字書綱鑑未竟著千
字文同音通釋若干卷正筆畫核音義視宣城字彙正
字通爲尤詳所作詩奇警險譎刻獅山詩史十五種年
七十二自志其墓而卒

國朝孔興綱字蓼園年十四爲諸生言行篤實讀書不事詞

江陰縣志

卷十七

人物 儒林

四

章畱心經濟已而耽理學聞交城宋時旌講濂洛之學
徒步三千里訪之宋謂之曰學者勿取辯於口務靜觀
其心逞材技無如養度量侈嗜欲無若探義理伯夷之
隘不可以待人然可以持身柳下之和不可以治心然
可以處世興綱書諸座右終身誦之陸世儀倡道婁東
復從之遊時年五十三長陸五歲執弟子禮惟謹陸語
之曰聖學以居敬爲體以躬行實踐爲用治國平天下
雖存乎遇合至修身齊家則儒者見在經綸也興綱亦
終身誦之身體力行見諸實事著有四書講義二卷家
廟禮則三卷求野齋詩文十卷

薛元敏字志粹康熙甲子舉人少孤與伯兄杞頤同勵學以母年老一試春官不再赴金閭齋講學毘陵往師焉補鹽城教諭本身立教士風丕變三攝縣事民懷其德居鄉仿藍田呂氏約朔望與父老子弟講解以維持風俗爲己任歲稔良家有鬻子女者破產贖還之卒之日家無長物著有教學編息距篇法戒真鑑錄居鄧暘里學者稱鄧暘先生

張光家字德御諸生不沾沾章句與弟光庭以講學爲事著切己錄有云身無一命非士之賤莫賤於無片善之可稱家徒四壁非士之貧莫貧於無一言之近道又云

江陰縣志

卷十七

人物 儒林

五

不定者情也一定者性也聖人盡性萬世皆信其無欺凡人任情目前亦疑其不測格言名論皆此類其從叔有恆字恆初履正子諸生喜讀儒先語錄從高忠憲受讀書靜坐之學持身嚴正學者嚴憚之著有三戒編陳其難字克艱諸生志在博聞強識凡三通七畧之書購求滿室鍵戶記誦沿流泝源矻矻終日晚年潛心濂洛關閩之旨以道學爲歸宿著周易圖系圖說巡撫張清恪延致講易教諭鮑開同邑楊文定咸心折之與修邑志者再齒登大耋日夕偃臥就學者詣榻前請質手畫口授無倦色卒年九十七

沈傳禮字揚戴鼎科孫增生沈潛性理諸書仿湯文正遺規與同志於朔望日各出經史及宋儒語類中疑義若干條互相質剖各有恆會每坐講席清輝照人娓娓善譚名理與弟傳毅友愛終身無忤色

楊文煥字堯章究心六經四子之解嘗踞高座說致知格物環而聽者謂爲創聞惜年二十七而歿弟文斐字成章講求高忠憲復七之法以歸於朱子昆弟皆悃悞無華不求聞達同里金映日言與文斐比閭數十年未見其言行稍涉欺僞云

鄭經字守庭道光丁酉首領鄉薦學務實踐敦行孝友

江陰縣志

卷十七

人物 儒林

六

主講泰興延令旌德敏文書院陶鎔士類以經史爲根柢作文力矯時趨一宗先正尤以訓俗型方爲已任朔望宣講鄉約刊有鄉約直解現行鄉約條例諸書至創設義塾鬻產賑飢均實力行之晚年開濬沙洲套港以防旱潦農人咸利賴焉

文苑傳

宋蔣汝通字亨伯紹定己丑進士不樂仕杜門汲古尤邃理學嘗著質疑一書以祛干支五行配合之謬於白虎通春秋繁露外自成一家言偕郭庭堅修江陰軍志爲邑乘之權輿年八十餘卒著有引睡集

楊端叔字子正嘉定丁丑進士官江東憲幹著有白嬉集靳更生字春伯嘉定庚辰進士官海南教授著有南華經解宋史謂與王呈瑞楊端叔三人俱以文鳴

元劉 堧字公垣童時趙孟頫賞其秀異書小齋二字以贈因號小齋詩文書法神趣與孟頫合至正間以薦授

江陰縣志

卷十七

人物 文苑

七

照磨不就徜徉山水以終著有小齋集

陳 傑字漢臣耽書善文建樓藏書名萬卷樓趙孟頫虞集未遇時傑延訓其二子不慕榮利嘗出粟賑飢部使者上其名授江陵路稅課副使不拜陸文圭表其墓

包 英字叔蘊至正丁亥鄉舉淹貫經史與同里黃常惠連俱以博洽聞以小學爲人德之門定通義一書明洪武初以才薦不出從子聖字師聖十歲能詩見元季將亂不求聞達明興以明經辟授岳州府同知夙夜恪勤剔除弊政晚年以詩自娛

張 端字希尹能詩文名在虞集楊維禎間尤精書翰動

止閑雅不事表襮有古儒者風學者稱溝南先生溝南其所居也累官江浙樞密院都事所在著績著有溝南漫存藁

徐 津字仲盟與張端友善結澄江詩社遭元季亂屢辟不起避地松江明師北伐津以悲慟致疾卒於松江元季邑知名士多僑寓于松江津之先有蔡廷秀後有王逢孫作雲間重其名幾忘其爲僑寓

明薛 復字復善從王逢游才名動一時洪武初以博學徵與宋濂王禕共定典禮授汝甯知事勤於其職歸耕於貧山下者二十年久之徵拜御史擢廣西僉事治苗

江陰縣志

卷十七

人物 文苑

八

民一以德化考最卒於官

俞

陳志作余

璿字彥衡潛心篤學名聞於朝召入修永樂大典書

成上高其才欲官之固謝乞歸課子孫子文字日章著有學士類編

徐元獻字尚賢成化庚子舉人十歲時父頤宴客賦詩元獻倚韻和座客皆驚旣長博覽強記獲舉甫踰年而卒長洲吳寬誌其墓曰予所望於君者不止此雖君亦不以此自望年未及壯所學不得施于時豈不惜哉著有達意稿

方 謨字孔章貢生才藻絕倫邑令黃傅聘修邑志傳去

謨續以二十年事謂之續志性瀟灑嘗于馬鞍山築小室種桃千樹號小桃源爲文記之更輯二島志後邑令李元陽益重謨每屏騶從訪之更特設高士榻以待

徐 淮字孟義諸生好學有文譽兩兄早世父母且老淮晨昏左右俟熟寢輒乘月讀學者呼讀月先生父母沒家窘甚竭廩營葬呼搶風雨中形容盡槁平居孜孜汲古老而彌篤

高 賓字舜穆宏治乙卯舉人丙辰進士以著作自豪初任瑞安知縣累擢江西僉事會擒姚源洞賊魅艾茹七等敘功遷參議以負才任氣同僚多齟齬之罷歸然文

江陰縣志

卷十七

人物 文苑

九

望日重與同年史良佐善史獲譴無所歸依賓者二十
年以宅假之故良佐更字曰借山感賓誼也壽踰九十
終

徐 充字子擴年十三補諸生十六試京兆以邑令王鉞
有秕政上書當道令罷充亦鐫名杜門謝客以經學教
其弟亮成進士充爲文有晉唐風繪事亦殊絕性介特
家貧歲饑有遺之者卻不納所著有鍊研齋稿及雜著
十餘種

朱承爵字子儋盛年銳志進取累試不利遂棄去益多購
書下帷發憤以古文辭名世與唐寅文徵明相倡和家

蓄鼎彝名畫甚富著有鯉退稿等編

徐瑞成字孚先廩生試輒冠軍直指某觀風三吳高其才
延之不就讀書山居菴著宋元備考二十七卷輯易詩
書疏解

徐尚德字若容諸生少年事豪舉己而折節好學聚書萬
卷凡唐宋前異本傾貲購致之冥搜逖覽所作跌宕豪
邁晚年好道以黃庭名其室復學禪服僧衣自號衲齋
築玉照菴居之著有玉几山人集黃庭室稿物外英豪
諸書

王 覺字德修諸生隱居教授富于著述其最有功經學

江陰縣志

卷十七

人物 文苑

十

者曰明音舉四書五經訂其字之點畫韻之同異音之
反切深析于毫釐疑似之間閉戶二十載始成書子一
瀛亦名諸生上之學使者爲頒梓行世

沈 奎字文叔嘉靖己未進士官郎中以母年高乞終養
者十餘年免喪累遷江西參政以疾乞歸生平沈酣經
史尤篤內行能急人之急著有劍南集歸與集

陳體文字仲約諸生蚤歲負才藻試不利輒謝去益肆力
於古所居花竹叢翳嘯歌陶然作詩不畱稿友人花周
錄藏篋中劉光濟序而梓行之名友錄稿

黃 慥字實卿諸生文思敏絕冠軍者九才名爲一時最

累試不遇以歲貢官撫州通判郡守雅聞慥名招飲列菊花百餘品謂曰請作一長篇括此諸種慥曰當每品各爲品題耳卽席得一百十三章

沈翰卿字子羽廩生師事邵文莊有聲江左旣壯博極羣書力追古作者楊儀文徵明輩皆與締交家毀於火賣文以給世事不撓於懷無錫俞憲梓行其石灣前後集子嗣光字伯章諸生博學工詩敦尚氣誼邑令錢錞死倭難爲編印衣錄錞事及顯

薛敬連字幼恭初名蓮字清甫諸生美丰容擅才藻累試不第因號歸來居士詩宗王維畫宗陳道復書宗米芾

江陰縣志

卷十七 人物 文苑

十一

與文徵明輩相頡頏風格雋上而矩行規言學者宗之稱夏漪先生子孺文亦善詩畫性簡傲不問家人生產遇俗士輒引去人稱是父是子

李 詡字原德諸生性耽文史更潛心性命之學與唐順之輩互爲砥礪晚謝應舉發藏書手披口誦目數行下無停晷評隲古今高言斐亶嘗執經陳某之門及陳開府江南手書問所欲言謝曰昔爲弟子今爲編氓時事豈所宜言竟不一通謁著有世德堂吟稿名山大川記心學摘要戒菴漫筆諸書曾孫應昇以忠節著

沈受傳字汝習諸生父天麟爲義烏令歲饑不俟府檄發

倉賑民坐是解職受傳少承庭訓沈酣史藉名藉甚其子大澹大禮大樂皆工詩善畫

王穉登字百穀嘉靖末遊京師客相國袁煒第煒試諸庶吉士紫牡丹詩不稱意屬穉登爲之大稱賞將薦之朝未果煒卒穉登哭其墓隆慶初復北上徐階當國頗修憾於煒或勸穉登弗名袁公客不從刊燕市客越二集備書其事初吳中自文徵明後風雅無定屬穉登僑寓吳中嘗及徵明門遂繼主壇坫者三十餘年當是時布衣山人以詩名者十數輩然聲華烜赫穉登爲最四方士道吳門必丐見請楮墨申時行以元老里居特相推

江陰縣志

卷十七

人物 文苑

十二

重王世貞與同郡友善顧不甚推之穉登亦不爲之下及世貞歿其子坐事繫獄穉登傾身救援人以是益重其風義萬厯中廷臣交薦詔徵修史未上而史局罷事載明史邑人郁庭芝梓其謀野集子畱亦能詩隸吳門籍

許學夷字伯清早棄帖括惟文史是耽於左國史傳皆有手輯論詩自三百篇以下各有史證著詩源辨體偕沈鷺徐益輩聯滄洲詩社前志稱學夷爲業擅開元功歸正始蓋當時領袖也又與邱維賢訂澄江詩選錢錞死難事實亦由學夷闡之

沈 鷺字飛霞好學工詩嘗游吳越間與王穉登袁宏相
倡和梁溪孫繼皋極愛重之梓行其梅花百詠招往無
錫爲卜居焉生平負氣節不肯以貧故低眉於人繼皋
沒漠然無所向尋卒詩稿散布友人家

郁庭芝字元禎萬曆庚子舉人應邑郡院三試俱第一師
事顧端文參究理學孫文介稱其有道氣鄉舉後不謁
選篤友于之愛爲姻知解紛卽挫產不問性好書畫山
水搆別業於君山麓栽松剔石結構幽絕許學夷過而
愛之竟贈爲兆域

邱維賢字念先性蕭疎好吟詠偕許學夷創滄洲詩社集

江陰縣志

卷十七

人物 文苑

十三

一時名流倡和又偕學夷訂刻澄江詩選探討精博晚
年闢小圃吟嘯其中疾革遺命曰葬我於此名曰寢邱
先自爲記

尹嘉賓字孔昭少耽書落落不事生產爲文清音獨奏雖
姓名在沈浮間而不屑效時趨萬曆己酉鄉試歸自負
必第一與同社飲君山薄暮聞江上鼓吹走問曰報元
乎曰然尹姓乎曰然然則同我歸耳一時傳爲佳話庚
戌成進士授中書舍人擢職方員外郎奉詔募兵山東
就地簡閱數旬而辦登蓬萊閣望醫無閭酌酒高歌慨
然有遠靖烽煙之意遷湖廣僉事歎曰將謂書生不嫻

戎馬耶尋視學湖南杜絕請託務得真士其所識拔者相率捷去幕中不挈一客手自繙閱日夜不休一夕假寐見緋衣人語云衡文之任幽明共之如公則造物無權矣竟以勞動卒歷官十年不改寒素善酒工詩詩如其文所存有焚餘草

繆尊素字太質生有異才垂髫應童子試邑令郝敬奇其文招覆降階揖曰文章名世當在子矣比長與黃毓祺聯九子社尊素作社引文稱九子盡一邑之雋當萬歷中葉江西四雋西安四家最著厥後復應幾澄諸社競起欲延致尊素尊素弗屑而獨以江上九子社頡頏諸

江陰縣志

卷十七

人物 文苑

十四

名輩豔稱一時評慶歷兩朝文山陰王思任爲作序狀其舟次衣紫衣兩目作岩下電覺丰采至今如見

張育葵字午卿崇禎戊辰進士授曲江令銳意釐剔恥曲事上官動見掣肘逾年以艱歸居鄉喜闡揚忠孝陳說利病嘗請以沙田充公費導河用官夫皆德施鄉里爲文力追先正嘗語人曰文行非兩途烏有隨波逐流之子而能立品者哉著有露園詩文二稿

徐遵湯字仲昭崇禎戊辰副貢生爲人口吃不能言及爲文風發泉湧傑出一時少以詩質無錫鄒彥吉亟賞之因知名後數作遠遊所至記以詩益奇縱黃道周徐汧

張溥皆與遊晚歸名所居曰小盤谷家貧鬻文爲業邑令馮士仁延主修志著有詩稿若干卷

曹 玘字子玉少負雋才求詩畫者無虛日崇禎丁丑成進士以戶部主事督臨清關外警猝至守兵以糧乏譁出帑金給之或危焉玘曰城脫破金皆敵有也給兵不勝於資敵乎因築城固守一方賴之崇禎末奉命督餉有惠政鼎革後邑燬於兵黃毓祺事旋發人情洶洶懼株連禍且復起玘竭力營解家爲之落初闢漫園於城南隅至是屏跡園居每沈醉泣下沾襟戚戚以死著有嘯歌碎琴漫園諸集及蘭竹譜

江陰縣志

卷十七

人物 文苑

十五

章 奏字襄哉諸生家貧好學炊煙不繼吟嘯自如著易解若干卷喜作詩事親以孝年屆大耋當道具官服敦致賓筵時謂盛典不虛

吳 杰字去見父澄之繆文貞壻澄之家故貧依外氏杰年十二以文質文貞文貞示澄之曰甯馨有兒當成我宅相文貞遭閹禍杰侍母日夜號泣已而歎曰楊惲能讀外祖書卒使史記大顯今實園不有遺書在乎實園文貞讀書處也乃鍵戶攻苦寒暑不輟文名日起念父貧益甚思以科目奮一試不售感然曰己矣空負實園書奈何扁舟往來吳越與賢豪遊以佗僚致疾未幾卒

年二十二錢陸燦誌其墓弟格字去非杲字用晦並負雋才格亦早卒

章 式字世望副貢生秉性直諒爲文獨抒所見劇目怵心一洗明季浮靡之習從游者戶外屨常滿戚藩其弟子也藩以文章顯天下必曰吾師章先生生平淵源不敢忘也

國朝沈際辰字元水諸生性孝友工文學使者器以國士遊其門者以百數家貧猶喜賑貧困曰無用長物爲也邑令延致賓筵辭不就諸生韓建國其高弟也授經他所乙酉殉難際辰哀感雪涕經紀其家人謂師生猶父子

江陰縣志

卷十七

人物 文苑

十六

云

王一乘字上襄諸庄攻苦力學嘗竟日危坐絕言笑爲文初規先正已悉棄去自闢蹊徑讀其文始若蜚吻澀齒旣而尋味無不頤解而心折也屢試冠其曹性至孝母歿泣血累月三年不見齒年三十三卒

薛 垣字羽宸順治辛卯舉人少有神童之目年十三舉忠臣義士文彙萃而表彰之見古人嘉言懿行輒手錄成集乙酉之變鄉民橫死者載道垣多所收瘞歲饑自節衣食煮粥以賑易簣時僮僕券悉檢還從孫辰字端極雲清字彙仙皆以文行世其家

張 素字爾因諸生家貧樂道詩文自成一家言生平少
所推許獨善黃覺兄弟與周聲聲字子駿性孝友富於
才學

高 照字子返諸生受業於黃毓祺博學多識居貧教授
曹禾師事之推其文如韓詩如白年六十五病革索紙
筆賦詩而逝子慎中字僧虔諸生於書無所不讀伸紙
千言立就每指陳經義支分節解渙若冰釋學者多宗
之楊文定亦其門下士也爲詩擺脫窠臼獨往獨來遊
京師貴游聞其名請師事之曰山野之夫安得辱諸公
當退掃先人敝廬與寒措大相晤對耳卽束裝歸著補

江陰縣志

卷十七

人物 文苑

十七

蘿集若干卷

劉時可字際明諸生試輒高等凡來學者必令兼習詩古
文日沾沾習帖括非通儒事曹禾出其門爲題像云吾
師之道伸於古而絀於今吾師之學修乎已而淑乎人
處困阨而不失乎正遇紛擾而不遺乎真人始見而生
敬久而益覺其可親

高愈簡字仲約與高照非同宗而誼若昆弟照令子慎中
受業焉慎中意氣縱橫不可一世及侍愈簡不覺容之
斂也鼎革後構城隅小圃吟詠自娛年七十三卒子二
潔字方雪爲文嚴謹凝字端士受業於慎中詩文不可

羈縛人謂潔近狷凝近狂愼中嘗曰端士一往奔軼誠未易才但懼不壽方雪神理綿綿當享遐齡後凝遊庠卒潔以恩貢任歙縣教諭壽八十餘

於壽格字彭年諸生從其父陞受書經解史法具有淵源行文離奇突兀聲名籍甚曹禾鄧鍾麟與相師友生平著作甚富尤工樂府

鄧鍾麟字玉書順治乙未進士童時穎異年十三與曹禾同學少禾二歲能強記禾愧弗如也爲文雄放豪邁空所依傍旣通籍入詞垣

世祖每有顧問鍾麟奏對從容眷日隆未幾假歸巡撫某同年友

江陰縣志

卷十七

人物 文苑

十八

也知其貧壽以金勿納賦漁樵耕讀四詩報之其詠樵云平明負擔入山阿薄暮空歸怨斧柯不是斧柯樵不力江南草木已無多殆有隱諷焉王士禎陳惟崧集中皆有過鄧檢討作

曹禾字頌嘉玘子玘自革代後縱酒漫園常自祝死禾知其意悲不自勝玘沒哀毀骨立年十三籍學康熙甲辰成進士授中書壬子順天鄉試同考官得士甚盛翁叔元徐元夢皆出其門以養母歸日發所藏書勤學學

益富

召試博學宏詞授編修與修明史辛酉典試山左累遷國子監祭

酒正文體端士習評閱課卷寒暑無倦色天性簡易不
阿坐是罷歸平生沈酣六經子史嘗撰靖難十六功臣
傳論者謂得史漢神髓詩宗韓杜與宋犖汪懋麟相倡
和王士禎定都門十子以禾爲最里居集後進孔毓璣
湯大輅耿人龍徐恪高玉行輩爲文會家故貧至典衣
鬻產以給飲饌刻未菴初集一百卷行世二集一百四
十卷藏於家

朱 選字萬青順治戊戌進士意氣倜儻幼授書一過如
夙誦者八歲卽書廟額鑿空亭三大字筆力遒逸小楷
行草人咸寶之官保定府推官政簡刑清新楊忠愍祠

江陰縣志

卷十七

人物 文苑

十九

爲梓遺集恤其後人居家孝友繆文貞子堅白逋賦繫
官助金脫其累堅白弗謝選亦不以爲德

錢之燧字元玉諸生幼從族叔陸燦遊與張文貞何焯爲
同門友文貞欲薦之以母老辭惟肆力經史詩文以自
適著有匏村詩稿子振科字象六承其家學品端學粹
著有四書纂義硯北詩鈔

梅天奇字正平明季諸生論文不可一世所作佶崛奇古
深者寂入高者迴出會鼎革其兄使護家人出城遂僑
居青陽兄遇難死天奇自髡其首更名有子號非水船
頭陀學使解幾貞慕其清望歛門來見以一石支竹扉

不應郡丞造請亦不納著述甚富多散佚所存有離騷
註易解圖說

曹飛捷字雲舉歲貢生學宗程朱著四書正解曉暢疏通
學使張能麟胡在恪序而行之人都葉芳靄延致之尋
謝歸同時吳象緯亦有四書講義嘗謂飛捷曰蔡林契
友而意見時左今子爲虛齋吾爲次崖矣惜其書未梓
沙張白字介人諸生幼負異姿長益肆力於學凡天文地
理元黃壬遁之書靡不馳騁貫串嘗著史論起結繩至
明代次其是非得失獨闢戶牖能補涑水考亭所未發
樂府出入漢魏王士禎貽書曰樂府絕響久矣僕行江

江陰縣志

卷十七

人物 文苑

二十

南僅見足下爲人雋爽豪邁與人言傾胸臆無所隱性
兀傲恥奔競入都馮溥魏裔介交口譽之王崇簡延之
家塾尋謝歸閉戶著書卒子震字農起晉字桐衍俱能
文晉尤具夙慧髫齡卽能佐父作史斷人呼爲小沙子
殷祁雷字鳴夏諸生邑所稱沙劉殷卞四家祁雷其一也
究心理學而不作腐語詩文宗唐宋陳玉璣負時望少
許可見祁雷作輒歎服延致之邑令陸次雲大會名士
賦繡毬花詩倡云高枝雪壓低枝雪百朵花成一朵花
四座歎爲工及讀祁雷句云滿院曉風吹月魄一團春
雪聚梅花陸曰今日豈止壓倒元白耶沈清世延請分

纂邑志多所考正著有四書講義條說初軒集鑑繩錄
管天祚字月衣諸生以文名江左爲文率然興集反覆馳
騁而條理秩如詩雄放跌宕巡撫慕天顏聘令二子師
之尋以疾歸卒於無錫舟次

盛樹廉字靖侯康熙壬子舉人任滁州學正調揚州勤於
課士每擁皋比談經環而聽者百人性耽山水所至輒
有題詠子世儒世俊超世俊字魯瞻尤知名與湯大輅
孔毓璣爭雄長時邑中先輩論文或主才情或主法度
世俊獨曰神氣不肖才情法度非真也門下得第者相
踵世俊累薦不售彈琴賦詩迥然自適

江陰縣志

卷十七

人物 文苑

二十一

徐 恪字昔民康熙丙寅拔貢生初知直隸棗強縣
大師討澤旺阿喇蒲坦制府檄具騾馬運餉恪既不忍累民
又橐無一錢挪帑三千未及補艱訃至代者將以虧揭
邑父老相勸飲助置匭於縣門不數日竟足償後令廣
西羅城縣以勞卒恪見聞博治宗伯李振裕奉
詔纂修佩文韻府延恪襄事令棗強時隨

駕水圍

賜御書

賜宴行在人以爲榮著有周易引說見聞稽疑錄桑梓見聞錄九

鑪山人集

蔣 培字穀貽歲貢生學行爲里中矜式從遊者踵至晚年寄情詩畫著有梅軒集

范光晨字志和康熙己卯舉人讀書目數行下寢食左史大家爲諸生時學使許汝霖歲試唱名至光晨離坐曰君尙應歲試乎吾爲童子時已熟君文矣嘗上書邑令沈清世請除漕頭里長三銀五銀之弊語多激切令如其言座主張廷樞來視學言於令陶彝延主經學邑有經學師自光晨始

韓錫爵字維賢諸生與范光晨齊名生平所讀經書手自繕錄蠅頭小楷句箋字釋行文心細手和教人以變化

江陰縣志

卷十七

人物 文苑

二十二

氣質爲主遊其門者恂恂雅飭事母孝弟錫袞善畫畫成輒相唱和

趙鳴鑾字翔九以詩文鳴詩尤沈鬱頓挫郡丞奚祿詒邑令陸次雲皆折節交之名宿如錢澄之余懷杜濬錢肅潤俱與游及游江西與張芳鄧履中黃恆曾燦輩唱和著有珊瑚後集

陳 鼎字定九少喜任俠長乃折節讀書出與四方士大夫交慕前代東林諸賢蒐其遺事積十餘年成東林列傳又摭拾舊聞著畱溪外集自公卿下至匹夫編戶以義俠節烈稱者悉爲闡揚倦遊歸隱以耆壽終

曹璿字虞政諸生家貧甚妻子勸假貸輒詠淵明叩門句笑謝之遇佳山水輒心賞忘倦所爲詩清新淡永風格如其人

張元昇字時升貌癯神竦塵視一切遊兩浙三秦七閩間耳目感觸悉寓於詩性不喜近貴游所如落落邑令葉紹芳雅重之屢請見元昇作詩以謝有何事當途隆禮數此身天已縱癡頑之句所著詩文名半園集友人徐恪稱其詩哀以思其文幽以岸讀其集想見其爲人

吳永福字蔭嘉康熙戊午舉人幼失恃友愛其弟不忍異財旣乃以饒沃與弟而自取薄瘠爲文醅以肆工詩江陰縣志

卷十七 人物 文苑

二十三

上十七子永福名最著官中書壬戌會試王士禎欲置第一會與同事者爭遂置之束裝歸士禎追及之曰吾累君矣館之濟南郵筒往來詩益進三年歸士禎作序送之著有念劬文稿京華集東園詩草

張世鎔字行佩歲貢生有譽從孫也自幼厲志於學沈酣六經諸史中嚴立課程寒暑不輟爲文渾博深厚詩歌蒼勁杜門著述有北游草梅花書屋諸稿

王謨字聖穆諸生肆力於古文詞沈博絕麗弟誥亦負重名時人稱曰聖穆嶽嶽玉封森森玉封誥字也

孔毓璣字象九興綱子康熙己丑進士四歲興綱授以書

十三通子史曹禾見而器之致門下試輒首拔其文磊
落雄放晚益簡古令常山勤課諸生文風一變修志若
干卷著有秋巖詩文稿

周鳳階字王士諸生久困童子試郡丞奚祿詒賞之因知
名爲文紆徐宥折有李翱孫樵之風著有字畫訂譌二
卷

繆思勃字子榛文貞曾孫少壯好學晚歲潛心理蘊充然
有得著有耕學草堂集松窗筆記約軒詩文集子敬持
字以直諸生能以詩文世其家著有東林同難錄私淑
編

江陰縣志

卷十七

人物 文苑

二十四

湯大輅字乘素幼慧大父雨時奇之少長力學總督于成
龍建虹橋書院招上下江知名士肄業大輅與焉康熙
壬辰成進士入詞館戊戌分校禮闈獨踰十八房成額
得士二十一人館選者十有一徐本張廷璐棟萬策皆
出其門大輅當在虹橋書院時嘗研米爲粉夜分輒沃
冷水嗽之攻苦達旦文境日進自謂終身得力實在於
此著周易講義五卷四書語錄十卷蓉江草堂詩八卷
高 燦字汝峯諸生本姓湯少聰慧其姑適于高守節撫
爲己子能詩文金壇王詒燕宜興儲欣倡金沙社招燦
往有雨中望良常山十絕一時傳誦

徐烈字宗甯諸生十七子之一爲文別調孤行以雋永
自喜晚年得歲貢卒

曹近宸字臣表諸生父鼎銓字躬衡爲邑宿儒學者多師
之近宸生而穎異弱冠食餼其文選聲研詞茗發穎豎
而神韻飄飄別有事外遠致詩雋雅越俗書法亦適逸
程天保字敬威諸生有至性事親以孝聞力學能文傑岸
自喜初江邑自金沙社後老成凋謝天保始與沈德潛
輩十數人會於東郊吳氏之山莊自後九賢堂澹園社
集寢盛以父沒哀毀卒選歷朝古歌四卷及明文尤雅
集行於世

江陰縣志

卷十七

人物 文苑

二十五

趙臣瑗字二安歲貢生性倜儻能文章肆力於詩著述甚
富家居五峯築山滿樓以待四方士造訪者無虛日箋
注唐人七律刊行於世著有山滿樓詩集

耿人龍字書升勲子廩貢生學探儒先宗旨爲人淳古敦
樸學使吳潤問士於楊文定以人龍對延致之潤出李
文貞門下以先輩文取士而外論或議其失真人龍至
頗有所裁正著韻通三十餘卷又著易解

楊名立字簡在雍正癸卯拔貢生初令山西徐溝縣再任
福建侯官縣縣以豆爲課恆二石而完一石名立盡革
其弊民困大蘇後知山東陵縣歲饑遇大役名立自出

俸資數千金籌辦民德之居恆好學不倦於經史諸子說部靡不貫串著有碎錄水輯類音若干卷其雜諍一編皆駁正舊文之誤盧學士文弢序之且謂名之古文有晉人風致間似漆園詩工於言情此又其才之兼者外有增訂亭林日知錄爲盧所藏

夏宗瀾字起八諸生以經學薦授國子監丞領六堂分經講肄善詒諸生性剛直侃侃正行詩文灑瀚雄健尤善擘窠書自職胄監外厯主講席與游俱當世碩儒終其身師事楊文定文定講授諸經退錄爲易義隨記詩義記講二書著易卦劄記詩古文詞若干卷

江陰縣志

卷十七

人物 文苑

二十六

王學琦字韓起歲貢生博學能文尤工詩爲人純任天真不事奔競才名動江左沈德潛贈以詩有云白雲古寺聽宣講黃葉閒門想著書嘗館南沙偕及門吳良劇飲大醉於雨中扁舟渡江訪詩友比歸館門扃矣因與良坐石磴聯吟百韻雨沾衣盡濕不覺也良字玉山工詩早沒學琦爲文哭之

徐邁字月帆歲貢生聰慧過人爲文操筆立就雲行水流初無定態每文酒讌會談笑詼諧四座傾倒與孔毓璣善毓璣嘗戲謂曰君文如褚河南書老中帶媚邁曰正坐倔強不諧俗耳

王文震字夢妃雍正乙卯拔貢生乾隆戊午副貢生少日
父課之讀穴一室曰寤關積經書其中使研誦既冠游
楊文定門學益邃尤精三禮乾隆初試授州判以經學
薦校

聖祖日講禮經授國子監助教出知山西吉州清介自持性至孝
丁內外艱終喪未嘗見齒著有寤關詩集蓋卽幼時事
以自號者也又有文集若干卷

車 書字輅公監生少與楊名一王學琦王文震以力學
相勗寒暑無間性豁達不立崖岸至名教所係則持之
甚力善真草二體晚益邁勁爲時所重其門人貢震趙

江陰縣志

卷十七

人物 文苑

二十七

曦明杜一鴻朱黼並知名於時

包 彬字文在乾隆戊午舉人力學研經尤邃於易著易
玩易觀易小得錄凡先後天卦圖等說於先儒講義別
有心得性嚴正邑令蔡澍延修邑志與同人論鄉賢齟
齟遂辭去後館於易州卒遺文散佚其存者樸莊古文
遺稿詩集若干卷

金 鑑字志達雍正乙卯舉人乾隆丙辰舉博學鴻詞兩
登明通榜授國子監助教擢刑部主事讞獄平允謝歸
三十餘年不入城市著有尚雅堂集蔡澍序之
翁 照字霽堂幼孤貧由常熟來江陰遂爲江陰人王學

琦一見異之教之讀過目成誦及長博學善詩文出遊
大江南北才名籍甚乾隆間兩薦宏博不就子晟爲江
山令迎養之官逾月返築三十三山草堂嘯歌終隱著
有賜書堂詩文集

蔡寅斗字芳三乾隆丁卯舉人國子監助教能詩文方伯
鄂文端檄七郡士會課春風亭寅斗冠其曹歲丙辰薦
舉宏博不就著有九賢堂稿

王兆魚字端翼歲貢生孝事母爲文宏深奧衍工詩及書
法官吳縣訓導巡撫陳文恭重之語僚吏曰王某學品
兼優真不愧師儒一席著有江蘇祀典

江陰縣志

卷十七

人物 文苑

二十八

趙曦明字敬夫諸生幼孤貧力學刻苦自勵恆忍飢閉戶
讀性剛直不從俗唯阿盧文弨主暨陽講席深契之旋
主講鍾山要與俱圖籍數萬卷一一爲之校讎手註陶
徵士徐庾溫李羅昭諫等集考據淹博精當稱爲善本
著讀書一得六十卷桑梓見聞錄八卷年八十餘復註
顏氏家訓甫脫稿疾作卒

嚴學誠字箴三歲貢生性行端飭篤志好學博通羣書與
趙曦明商確古今討論得失引繩批根多所校正著有
易經會觀

夏敬渠字懋修諸生英敏績學通史經旁及諸子百家禮

樂兵刑天文算數之學靡不淹貫壯遊京師有貴顯聞而致焉議偶不合指斥不少避致爲動容加禮欲延致賓館敬渠謝弗往生平足跡幾徧海內所交盡賢豪著有綱目舉正經史餘論全史約編學古編詩文集若干卷

朱 黼字與持乾隆乙酉拔貢生沭陽縣教諭少孤貧好學不倦善畫工詩擢四川蘆山縣知縣年老告歸仍寓沭陽遂家焉年八十餘卒著有畫亭詩草

鳳應韶字德隆歲貢生幼孤貧織竹爲業嘗隔簾聽童子讀書聲卽能背誦塾師異之授以書攻苦不輟比入邑

江陰縣志

卷十七

人物 文苑

二十九

庠博覽強記三禮注疏熟誦如流說經具有心得所著鳳氏經說讀書瑣記四書補考先後梓行復有五經辨證儀禮鈎提左傳杜注參事等書藏於家

章世繩字詒武乾隆癸卯舉人少孤貧績學砥行博通諸家注疏爲文紛綸貫串說經家斂手推之學使彭文勤座主謝墉俱目爲異才謝受代來視學知其貧憐之謀助公車費俄聞其疾卒怛累日賻之成斂葬

夏祖熊字夢占諸生少質魯肆力於學遂博通羣經尤篤好性命之學患二氏說漫衍因復考辨其非以歸於正生平績學精進造詣日粹惜年三十二而卒著有易學

大成詩書疑義隨記春秋四傳集解周禮集傳儀禮疑義集錄雜著有禹貢說洪範說經義守約道學宗旨喪禮纂論格致彙辨見聞論要讀史隨筆農商問答等書

夏柔嘉字甫德廩貢生博學工詩文間寫蘭竹花鳥筆意超妙爲人豪宕清介落落遠俗嚴取與不妄交游惟與祝應璣學行相砥稱莫逆交著有師竹軒集子之成字伯田諸生工詩古文辭兼通星學王遁諸書亦善蘭竹史有光字問樵諸生父揆家故饒好施予有光亦慷慨喜周人急家遂日落乃橐筆遠游生平所歷具見於詩所爲詩初學右丞後博極諸家獨抒性靈晚年歸環堵蕭

江陰縣志

卷十七

人物 文苑

三十

然樵蘇不饜宴知也著有問樵詩鈔

王 蘇字儕嶠幼通敏父曙課以詩古文辭卽操筆立就少長博聞強記學使彭文勤目爲異才乾隆戊申天津

召試第一

賜舉人庚戌成進士改庶吉士授編修擢御史敢言有直聲出守河南衛輝府剛介嚴肅嘗捕治大猾丁某有神明之稱以報最獲晉級疾作假歸後以入都注選遽疾卒蘇在翰林日進奉之作敏瞻雅麗其餘詩文出入六朝唐宋才藻擅絕一時著有試峻堂集

葉廷甲字保堂諸生沈酣典籍博聞強記藏書至五萬卷

築靜觀樓度之暇卽兀兀披閱其名臣遺老著述未傳者爲梓行之鄉里有利益事率先爲倡年七十外徧歷江浙名勝聞四明范氏天一閣儲書甲天下踰錢塘往訪徧閱所藏度而還卒年七十九著書凡十數種及保堂詩鈔若干卷孫長華字實士太學生國子監典籍銜博覽羣書壹意治經尤潛心許氏說文著有經文考證爾雅考文兼義魏書通鑑考異等書

金捧閻字玠堂歲貢生性孝友不求仕進攻苦力學孜孜不倦著述悉委劫灰僅存守一齋客窗筆記四卷及二筆一卷

江陰縣志

卷十七

人物 文苑

三十一

顧師竹字倚山嘉慶丁卯舉人銓太平訓導截取知縣不赴主講仙源書院品行峻潔楷式士林工書博古著有諸史武備考等書

徐 閻字宇恬嘉慶丙子舉人太湖訓導事親以孝聞至老不衰品端學粹在官以文行勵諸生著有寄齋存稿金 諤字一士嘉慶己卯舉人任蒙城訓導砥礪廉隅以正士習著有篤慎堂燼餘詩稿

祝百十字筱珊郡庠生道光辛巳舉孝廉方正幹質清岸瞻視不羣與吳江吳育及同郡張惠言李兆洛以學行相切劘讀書不拘守章句酒酣抗聲誦孟子或唐人歌

詩伉爽勃鬱神明挺動聽者奮袖頓足不能自止工詩
古文詞與弟百五唱和有華萼集若干卷子麒字爾英
端方誠懇言動不苟以善書名於時

薛獻可字雯博歲貢生修身養性與古爲徒著有春秋經
朔表六書敦古編毛詩名物同異辨說文檢字摘難四
書姓名補註等書道光二十五年重游泮水年九十卒
徐曙霞字曉彤諸生鄉賢世沐五世孫幼孤家貧事母盡
孝爲人耿介不苟取常殫精性理諸書著有參注心性
圖藏於家

王 戴字薇菴嘉慶癸酉舉人性穎敏博通羣書文不加

江陰縣志

卷十七

人物 文苑

三十二

點澹於榮利引誘及門多所造就著有傳我編六集

郭鴻飛字笠夫歲貢生性至孝嘗割腕和藥以進母爲文
閎雅兼工古今體詩著有賞雨茅屋詩鈔爛柯山房文
賦稿

祝陞芸字藝芳優貢生操行純正得力儒先語錄爲學者
楷模訓迪後進成立甚眾兼工小篆纂修前志資載筆
焉

周 璈字稼山恩貢生品端學粹尤留心經世之書著有
綏英紀略十六卷

楊景曾字雋凡文定公曾孫嘉慶辛酉以賢良後裔

欽賜舉人已卯成進士改庶吉士授中書銓石柱廳同知以疾不
赴性狷介不妄交游纂修邑志秉筆謹嚴主講暨陽書
院文體一歸雅正工詞賦著有蘭賢書屋詩鈔選刻澄
江賦約詩藝合鈔

承培元字守丹優貢生能文章工篆刻祁文端督學時重
刻徐鍇說文解字藉資訂正有校勘記一卷林文忠督
辦河工延至幕下深器重之贈以許叔重說文解字王
伯厚困學紀聞聯句著有說文引經證例籀雅經滯榻
彙諸書

宋景昌字冕之廩生學問淵博能古文精天文歷數之學

江陰縣志

卷十七

人物 文苑

三十三

著有星緯測量諸篇同時六承如字賡九恩貢生安貧
力學作文不競時趨著有地理韻編山長李兆洛均爲
之序

王 埜字簡卿道光壬辰舉人好讀書覃精爲文力追先
正銓高淳訓導會粵匪竄陷金陵偏近縣境協邑令守
城募勇籌餉以積勞成疾卒於官著有委宛山房文賦
稿

顧季慈字心求諸生家貧刻苦勵學古文詩歌皆有卓識
採輯江上詩鈔百七十卷著有蓉江詩話一卷懶雲詩

文集五卷

章詔燕字鷺門嘉慶丙子舉人內閣中書充 國史館分校知廣順州創設義塾倡修考棚開雙井塘闢消水洞士民德之兩校黔闡所得多知名士長於史論及詩古文詞著有滄粟齋詩文稿讀史諍言黔游日記

何 栻字蓮舫道光乙巳進士吏部主事擢員外郎知建昌府時適赴省爲逆所阻不及救援城陷其眷屬殉難於新城後調吉安府以疏放謫官不得志遂寄跡維揚其牢騷抑鬱之概盡發於詩歌著有悔餘庵全集

曹宗瑋字蔗畦廩貢生姿性穎敏口吃不善雜誦弱冠游李兆洛之門博覽羣書尤肆力於濂洛關閩之學工帖

江陰縣志

卷十七

人物 文苑

三十四

括精思銳筆直破題局著有觀復堂文賦稿暨花雨填詞草

夏煒如字永曦恩貢生風格雋上少孤績學於書無所不窺工詩古文詞深入古人堂奧當文酒讌集縱談古今得晉人風趣聞者傾倒光緒三年重游泮水學使林天齡給思樂重賡匾額邑令延主修志未竟而卒年七十有九

政績傳

宋吳博古字敏叔紹興丁丑進士授秘閣修撰以言事謫判福州時府尹入覲權府事州故瀕海潮嚙城傾一角博古親督畚築至撤臥榻爲捍蔽七日而工竣民被水者廩之尹歸以耗帑有難色博古出俸錢償焉虞允文薦充右諫議以論朋黨拂柄臣意謫知贛州奏免無名稅十七條贛循青苗法民困重役詢疾苦得實奏罷之召還除徽猷閣直學士知制誥遷戶部侍郎以疾請告詔提舉崇福宮致仕

葛嶠字景溫官朝請大夫忠信誠確薦引多明達士守

江陰縣志

卷十七

人物 政績

三十五

南安有惠政

趙善言字從之祖士鵬守江陰因家焉初調常熟簿終朝請郎居官於利民事無不勇爲之歷兩邑一郡皆有陰德

徐邦字子奇以鄉舉判廉州設守禦闢田疇立學校俗爲一變自守潔清遷本省廉訪司僉事薦賢剔蠹僚屬憚之商農感其惠政發粟賑飢時謂爲有漢汲黯風

元朱正言字明通延祐中登進士歷官揚州路總管時中原亂正言仿陝右保甲法行於江淮盜發伐鼓舉烽爲號值水澇相原隰通溝瀆發粟勸賑民免飢散請老歸

民泣送者盈道

明朱德觀別號安五洪武初以才行舉因進四策納用之李善長薦守臨江時陳友諒據南昌旁郡騷動德觀加意撫綏奏最累陞吏部左侍郎其先泰興人後占業馬

馱沙

何澄字彥澤永樂癸未舉人洪熙元年置宏文館蹇義薦入典著述授禮科給事中以汲引人才爲務嚴本其所薦也言事忤旨謫官已復上疏激直下詔獄宣德間以薦知袁州與民休息修府學毀淫祠正統中乞休歸植竹數百竿飼二鶴號竹鶴老人工繪事壽九十九

江陰縣志

卷十七

人物 政績

三十六

周玉以人材薦令浮梁有治行識戴珊於童年使讀書署中成化初玉歸里珊以直指按江南辟騶從來訪玉曝簷下諦視知爲珊問何官曰御史語家人曰戴秀才來可設雞黍畱之珊請分俸治宅皆辭亦不報謁

劉本道由掾吏受知於靖遠伯王驥引置幕下奏授刑部照磨從征雲南正統間尙書金濂討閩寇以本道從活脅從萬餘人擢戶部員外郎景泰中西北多事民不聊生請給價買牛種與之貴州倉糧侵盜事覺本道往治積弊盡釐遷戶部侍郎總督糧儲先是南糧抵京倉陸運四十餘里勞費不貲本道建議於京軍歇操餘月運

糧至京而南糧止於通州交納歲省耗五十餘萬石詔賜二品服寵異之

杜 宥字叔寬景泰甲戌進士授監察御史按西夏貪暴屏息與同官倪敬等言事忤旨貶安定典史英廟復辟起知英德縣革苛斂減供億闢田野開十二新圖邑故無城猺寇時爲患首勸築城城完而寇至率兵乘之寇遁去擢韶州通判流亡來歸都御史葉盛鎮兩廣檄置軍幕方倚爲用以冒瘴癘乞休

徐 泰字士亨由邑庠入北雍景泰丙子北闈鄉舉第一時有閣臣子不與選言於朝謂泰富室有私覆試前五

江陰縣志

卷十七

人物 政績

三十七

人於內廷泰仍第一令羅田山深地僻漕運維艱泰於近水巴河鎮建倉廩貯粟便運以紓民力課民力田給以牛種歲稔出粟賑荒施及鄰邑都御史吳琛薦知荆門州會夷陵有疑獄已久部使者檄之往一訊而決以內艱歸父老詣闕請復任詔從之卒於官祀荆門名宦祠著有生白齋集

屈 霖字天澤成化丁未進士授刑部主事陞郎中居法曹十年獄無冤滯卒於官同邑湯沐輩爲殮殯乃得歸後學稱爲古愚先生

夏從壽字如山宏治癸丑進士工部主事遷戶部郎中在

告逆瑾要重賂不應遂落職瑾誅乃起歷官湖廣福建河南參政參議在湖廣時武宗南征江彬橫索無厭力拒之在福建減市舶踰制之辜以清盜源畱歲解羨餘之數以贍軍食擢副都御史撫治鄖陽兼陝洛荆南三省事以執法爲人忌累疏乞休歸築涉趣園逍遙其中戒其子勿乞身後恩族兄璪字廷華宏治壬子與從壽同舉於鄉俱爲王文恪門下士知耀州耀人德之

薛 金字子純宏治壬戌進士改庶吉士授戶科給事中奏減光祿寺冗費歲萬緡奉敕給賞紫金倒馬等關孝宗升遐特疏糾張愉用藥之悞正德初勅查四川等處

江陰縣志

卷十七

人物 政績

三十八

邊糧及大同宣府獨石馬營邊務自疊溪鹽井以往凡前使所不到者身冒險阻巡歷既返命值逆璫擅權抗疏劾之謫官璫敗轉行人司副擢廣西僉事妖人李通保連結諸山猺獞攻陷程鄉等處三十六城堡金爲紀功官戎服跨馬身冒矢石賊魁授首又贊畫招集岑流諸邑離民全活無算廣民德之建祠曰繼芳併其四世伯祖前官是職名復者並祀焉旣歸朝廷發內府薦緞廣鏹卽家以賜著有治齋集吾學正傳等書

薛 球字良韶宏治乙卯舉人署台州學正典廣東四川試調安仁令縣故無城土寇竊發球捐資鳩工三閱月

而城成募義勇繕甲兵先固其圍後率眾搗賊巢斬首千餘眾黨解散事聞詔書褒之時上官畫弭盜策欲割三縣地更設一邑安仁應割三都既奉旨球申文力陳不便因得寢以內艱歸行裝仍赴官時兩敝箠服闋補通許剔弊釐奸豪右斂跡忤權貴投劾歸凡三仕未拓一椽一畝

邵 經字孔述宏治乙卯舉人任阜平令勦葺縣志量移武強擢守潞州潞枕太行地險所屬桑梓蔭城二鎮負固相攻殺官兵不能制經單車往諭收之藩藩橫暴有奸黨匿其府率吏入捕因抗章奏藩王不法二十事王亦誣以試題犯上被逮詔獄窮治無所坐釋歸杜門輯經書以課子孫貧甚邑令張集餽以田門人夏謹周以金俱力卻之少從湯沐遊直節清風與沐並稱

王 莘字元聘格子正德丁丑進士知東莞縣寇發勦之釋脅從四百人建社學毀淫祠懲惡少立保甲法尤密當道檄各屬舉行時稅璫指上供派累州縣抗言遏止之擢南兵部武庫司員外郎累遷松潘兵備道練兵恤民築連城設關堡監臨者忌其功告歸

張 簡字允敬宏治乙丑進士正德初授職方司主事時璫豎竊柄四方盜起簡條對機宜切中肯綮尤慎於稽

尺籍補將領擢廣西參議會三洞賊雷白眉等合兵稱亂簡遣將練兵密授方畧俘獲甚眾遽移疾歸同方謨輩修邑志又輯邑中文獻錄有文集四卷藏於家

陳沂字與之正德己卯舉人授永安令永故山壤數旱沂教民鑿山澗設水碓以資灌溉歲輒大稔稅璫至吏白當迎謁斥之曰令雖微豈能爲闍寺屈耶索夫馬屏不與其儻從有擅取民家物者捕治之璫銜甚訴大府大府曰陳令故強項且私怨非有罪可摘也曲解之三載撫按交薦遷祠祭司主事以親老告歸弟澶嘉靖乙酉舉人知平度州所至有能名

江陰縣志

卷十七

人物 政績

四十

薛如淮字東卿嘉靖庚戌進士補南刑部主事謹持三尺公忠明恕有掾吏被殺御史某意其同舍掾坐以辟如淮持之廉得罪人遂脫掾巨璫賴昇乾沒國課勢要多爲營脫如淮執奏坐以法時稱薛公在事民無冤獄趙大河字道源嘉靖丙辰進士嚴嵩知其才欲援爲分宜令亟請歸己而除義烏時倭寇兩浙大河簡丁壯督騎射義烏兵遂稱精銳會總制胡宗憲檄監戚繼光兵多所斬獲上功擢大理寺評事尋擢浙江僉事監軍如故倭犯閩繼光請往援大河許之當事以擅命疏劾不報母病乞歸

徐材字懋卿嘉靖丁酉舉人授兗州推官充藩有大獄有司不敢決者數歲材至廉得其實時亢旱因以其事禱於神忽六月飛雪繼以雨因成獄以上稱明允河決曹縣材督民堵築水患旋息累遷戶部郎中以母老乞歸居鄉畫稅法以均官民設役田以蘇窮族人咸頌之蘇 韓字廷茂歲貢生知韶州精明公恕民猺畏服時府署學校城池壇壝悉皆頽毀韓前後修葺三年間百廢具興費巨萬而民不擾墾田二千頃戶增三千八百流賊逼境檄屬邑協力保障晝夜巡警郡賴以安

王嘉言字君謨諸生祖籍江陰遷常熟嘉靖壬戌成進士

江陰縣志

卷十七

人物 政績

四十一

令肥鄉地多盜倚猾胥爲耳目嘉言一夕斃三胥盜遂駭散政化大行值水患他縣多被衝肥獨無恙累官浙江按察司僉事備兵甯紹台倭躡兩浙嘉言禦之多斬獲擢參議移鎮溫處諭礦盜降之以疾歸祀肥鄉名宦祠

范鳴謙字貞夫隆慶辛未進士令龍溪地邊海黠民多連海舶爲不軌鳴謙得其主名殲之邑多逋糧以公費償之又以漲田補虧額擢御史奉命按真定諸郡裁抑豪右不少怯萬厯間浙中兵民相繼告變特勅乘傳往協守臣收渠魁僂市中反側遂安

袁堯臣字承勳萬曆己卯舉人授徐州學正擢魯山令值歲饑人相食堯臣多方議賑心悸成疾不三月乞歸著有易經通義芸窗桂亭寐語覺言等書

王廷賓字明揚萬曆壬午舉人選德安令寬刑恤訟以儉約先期年感脾疾乞歸子羲民字澶古萬曆辛丑進士任平湖令清田均役民甚便之擢工部主事督易州山廠卒於官

張履正字我先萬曆壬辰進士榜未發馳歸省親期年而父歿戊戌廷對應得令乞改教授選應天累官戶曹回翔陪京十年擢廣信守清簡慈惠立官解輪運二法兩

江陰縣志

卷十七

人物 政績

四十二

臺請補九江道聞母病棄官歸執政疏請比大臣休沐例親終起用蓋異數也居鄉不立崖岸偕里老修布衣歡里人親之祀廣信名宦祠

蔣 謹字欽之萬曆丁未進士除中書舍人三奉使有清望擢都水郎中治河淮徐以曠工銀補工費夏鎮河使章謨任故謹兼攝籍公費數千金遣贈其子不入一鍰遷江西參政備兵南瑞省訟蠲贖乙丑冬奉表入賀不通贄謁曹欽程希璫旨嗾田景新劾之摘其姻知高繆爲邪黨作詩及時政爲訕謗矯旨削奪歸灌園南郭外施糜掩骼爲德於鄉崇禎初詔復職尋卒著有紫微省

綠漪軒望曉樓諸稟

周憲章字從儒少負雋才邑郡院三試皆第一萬曆丙申
選貢廷試復第一選歸化令受讞立剖革羨例斥贖鍰
葺學宮變倉法復機兵給山帖置奸僧妖道於法修輯
邑志蒞事五年金蠶蠱毒不入境擢梧州通判遂致仕
徐日升字如之天啟乙丑進士授漳州府推官雪冤獄擒
盜魁賑災荒奉檄督理洋稅盡斥陋規商民請勒石紀
其廉祀漳州名宦祠

沈鼎科字鉉臣崇禎辛未進士授建陽令初至吏白有庫
餘千金備公用斥之以補窮民逋稅邑故健訟訟輒妄

江陰縣志

卷十七

人物 政績

四十三

指人命鼎科受其牘不行勾攝立往驗得實則爲聽之
否則予反坐其俗遂革巨盜猾訟奸民得其主名卽斃
之兩值歲旱步禱輒兩民爲沈雨亭志其事憫民病涉
建長橋民又呼爲沈公橋新文廟葺考亭勉齋兩祠月
必三課生徒在任六年內召士民攀轅塞道建祠祀焉
後令於署中復爲拜沈亭抵都下以公論競爲推轂反
中忌罷歸久之授袁州推官萬載縣山寇披猖獲其渠
斬之餘黨悉平擢車駕司主事會甲申之變嘔血成疾
尋卒鼎科孝友工文在官一介不取著蕉露豫遊諸草
張有譽字誰譽履正子性至孝萬曆己未進士榜未發心

動馳歸丁父艱服闋廷試例得部曹因便養母求改南授南戶部主事奉命權揚關甫涖任卽開小關以便往來五尺以下舟免稅時鹽政建魏璫生祠去關近遣官趨往拜有譽獨不往謁擢饒州守新郡縣學宮重刻居業錄以崇正學陞江西糧道嚴禁需索斥羨米以補覆舟失糧者陞七省糧儲道漕政肅清丁內艱廬墓哀毀適周延儒再召遣諭一見卽大用辭不往服闋累遷四川按察使布政使癸未大計舉天下大廉能五人有譽居第一得旨褒旌擢應天府丞將行吏白有存庫五萬金不納尋擢南京倉場侍郎戶部尙書鼎革後退居田

江陰縣志

卷十七

人物 政績

四十四

十一
里衣粗食淡自號圓覺居士纂孝經衍義補六卷壽八

國朝裴天錫字長齡康熙丁未進士內閣中書擢知平越府值兵燹餘招徠撫輯咨訪利弊鑿倒馬關建重安橋驅除虎患調知武昌虛衷聽斷郡無冤民以註誤謫太原通判再調郴州府將赴任卒於京貧無以斂同鄉官經紀之始得歸葬曾孫盛清知高要等縣所至有政聲徐應星字贊日歲貢生選高瀆訓導常設高座爲諸生講易再補英山勦建文廟遷鎮江府教授諸生以抗言旱災忤巡方使欲求其人罪之應星不開報爭以去就事

乃寢攝甌甯令以疾乞休鬻家產治裝歸著有希陶詠
子中德以孝友聞

惠 潤字沛蒼疇子康熙乙丑進士授費縣令銳意求治
興學校正士習因利革弊歲荒捐俸以賑擢戶部浙江
司主事纂修鹽政全書累遷刑部郎中告歸家居三十
年橫河淤塞請於當道檄縣深濬子元輅字駕三副貢
生判郴州潔已奉公苗民懷畏在事七年盜戢民安擢
宜城令勤勞稱職卒於官

趙錫仁字靖侯康熙甲戌進士授菑川令初薛元敏與錫
仁談儒先之學錫仁素倜儻迂其言至是詣元敏曰曩

江陰縣志

卷十七

人物 政績

四十五

時君所言今悟矣幸同往俾日聆訓誨元敏謝不往贈
以邵嗣堯三仕一得編日君第置此座右有餘師矣既
履任斥耗羨均徭役興文教士民大悅有內戚言涉私
呼隸人坐堂皇斥出之風紀肅然卒於官士民白衣冠
而送者萬人祀名宦祠初錫仁與劉學城善學城貧而
好施致逋糧錫仁曰安得余一舉以坊儀銀助子耶及
鄉舉果以百金畀之

蔡 鵬字鴻寶少負奇氣究心天文地理兵制諸書年十
九遊北雍和碩安親王奉

詔討逆藩有薦鵬於王者召與語大悅以署漢中書事參軍謀克

湖口破長興鵬之謀居多丙辰三月師抵長沙城門開諸將疑有伏不敢進鵬爭之不得退兵金盆嶺明日賊帥馬寶至城始閉攻之不下王以鵬爲才使知長沙縣兼攝府篆又給游擊劄團練鄉勇三千人便宜勦禦時有僞水師將軍林興珠據湘潭爲湖南聲援鵬移書數千言諭降之馬寶勢孤長沙平捷聞功最著時師中以長沙不卽歸附議屠之鵬爲民備牛酒犒軍乞招安乃得免又瀏陽民助逆餉師征之俘其子女鵬密刻護照萬餘紙遍給諸民約旦日號泣軍門鵬啟王悉縱歸并請撫流民豁逋賦給牛種無何知府任某搜剔僞黨株

蔓不已鵬白大吏寢其事府銜之竟以互訐罷歸長沙民無不流涕家居三十年沈陸二令皆舊交不干以私訪以政則侃侃正言壽七十四著有隨征紀事薄遊雜俎漁灣小草

陶孚尹字誕先廩貢生選桐城訓導課試精勤解已貲修啟聖宮名宦祠聚奎坊楚逆構亂

大軍勦之道經桐城駐劄孚尹佐邑令給芻糧供夫役邑舊未設兵防護城柵需民輪守孚尹建議募役給值始免派累邑民德之以疾歸祀桐城名宦祠著有欣然堂集

繆 燧字雯曜以例選沂水令時山左大饑侍郎某奉命賑之燧念市米稽時日且運費多不便請給銀聽民自買當事以違

旨切責燧白因地制宜之義當事悟曰令能爲草疏乎燧繕稿以進馳奏得

旨報可顧帑不敷傾囊益之邑積荒民多逋賦燧遣僕歸鬻產二千餘金代輸之旋以逸盜望吏議別調浙江定海定濱海水鹹不宜穀燧修築塘岸禦鹹蓄淡增田數萬畝海關大吏請開玉環衢山等處部下其議燧以遠畧勞民無裨國賦列議駁之事得寢修定海志葺學宮設書院

江陰縣志

卷十七

人物 政績

四十七

增諸生廩額至十名奸民有爲盜海洋者設方畧擒之署府事暨各廳縣事所至有惠政仕海上二十三年卒於官民懷其德呈請畱葬子民垣不可大吏令畱衣冠葬之以誌遺愛

湯顯忠字諤士雍正庚戌登明通榜授績溪教諭興文勵行修葺學宮講習經義儒風大振時遇清釐逋賦捐俸爲諸生極貧者輸納邑令某歿於官有虧帑後令逮其妾追款顯忠爲關說得釋而月以米薪給之守令某某歿俱貧顯忠經紀其喪邑有利弊切於民者必悉心告於守令當道稔其才德方議薦乞終養歸士民泣送盈

道

姚儀鳳字羽儀性耿介少讀書不遇以掾曹除南安府經歷清白自持嚴禁騷擾委鞠獄聽斷明允大吏賢之檄署上猶縣勤慎稱職年老乞休偕其子兩人攜一行囊一書箠就道抵家頽垣破扉授徒自給

夏霖字雨三順治己丑進士授濟源令有山賊混名穿山甲者盤踞爲民患密計擒之布政使某與霖不相能讒於巡撫謂霖芻草不時給將誤戎務巡撫怒百姓聞之爭相輸輓質明畢集巡撫奇之以卓異薦遷戶部主事督揚關稅知紹興府建閘興水利提督某縱其下強

江陰縣志

卷十七

人物 政績

四十八

奪民間女霖縛治之擢山西運使再補保甯府值兵燹後村落如掃霖鳩集流亡邱墟成市謝歸壽九十五高玉行字朗侯康熙甲午舉人知三原縣首發申某兄弟之奸會巡撫疏請仿山西鑿井溉田屬吏俱阿巡撫指玉行獨謂關中地勢高開井決不得水力陳不可狀巡撫震怒玉行怡然曰今日名登白簡策蹇而歸得與老母相聚殊勝貪祿而徒擾吾民也議雖寢玉行竟以是去官不復出

祝錦中字元章以州同分發南河河帥陳恪勤知其才命贊畫河務署祥符縣主簿有惠政其論治河大指本束

淮刷沙法慮刷之不盡老沙日積因參究古人混江龍
飛排沙等制勑擬百龍搜沙法用龍艘百各於柁底曳
五尺四寸版竟版以鐵爲游龍狀版隅置環繫索以便
提放每艘設輪盤四帆二艘行水面鐵龍卽隨行水底
搜捲積沙使入海又於海口搜之使無壅阻裘文達治
河議常採之著有南河長治策搜沙十二事宜策北河
犁沙穿渠兼用策嘉定黃氏汝成載入日知錄注

繆 誥字繩孫康熙丙戌進士知宜章縣有囚倚奸僧術
屢翻覆拷之不承誥廉得僧實之法獄乃定調署桂陽
復先賢周濂溪祠田補葉縣時學使某出誥門下知其

江陰縣志

卷十七

人物 政績

四十九

貧欲假非義噢咻之屏弗與通改知邳縣卻齎賈餽金
卽具牒請平鹽價然竟以此忤上官指謝歸瀕行所載
惟書版數種著有思親齋貽訓醒心筆記衍烈堂論文
覺軒文編

徐 銳字貢三優貢生受業於楊文定任蘇州府訓導諸
生葉泰被誣於里豪豪於暮夜以金投銳所怒叱之不
爲署牘泰得釋同僚忌之告歸著有易準春秋集傳一
得編惜陰齋雜著

奚又灝字倬雲雍正癸丑進士授新淦令會江右饑請於
大吏撥庫帑以資接濟并請飭省屬通融撥借全活災

黎無算卓異引

見

特賜蟒服蓋異數也調臨川縣汰冗役釐積案修城隍次第具舉

以勞卒於官

沈 濤字次山乾隆丁巳進士知江西長甯縣其俗好勇
喜鬪每歲春正爲石戰戲南北各列隊伍持石卵相飛
擲勝者逐負者毆人至死不問濤坐城門下呼其黨陳
說利害其俗遂革邑乘缺畧濤廣詢博采纂長甯縣志
一書著有念山堂詩集

貢 震字息甫乾隆辛酉拔貢生丁卯副貢生知建平靈

江陰縣志

卷十七

人物 政績

五十

壁鳳陽縣擢壽州知州所至雪冤獄毀淫祠興建書院
育嬰堂值水旱賑卹恐老幼廢疾不能遍及裹糗糧步
行山谷村墟咨訪疾苦靈邑當水道之衝數被患震廣
濬靈宿虹泗諸派導其下流凡利民之事悉白大府奏
行歿後入祀建平懷仁祠靈壁名宦祠震少貧篤志於
學文行爲鄉人所推能文善書所著有建平存稿靈壁
志畧河防錄河渠原委等書

陶廷梁字楚瞻監生以例授縣丞分發雲南從征緬甸以
軍功署寶甯令地爲運銅總道牛車過峽勢極險峻領
運者率多累廷梁度山路稍平者開通之又革兵役擾

民之弊調署祿豐請閉銅礦之衰缺者補福建將樂令
調南平去官時行橐蕭然

繆 潤字一泉乾隆甲戌進士令獲鹿完縣興修學校爲
政不尙刑罰士民安之完邑有大獄大吏諷以誅殺十
數人可得顯擢潤不可卽告歸訓子弟終其身

吳 楷字景儒乾隆庚辰進士歷知雲南大姚永平等縣
署永昌府同知彌勒州阿迷州知州遷知騰越州州與
緬甸接壤會緬擾普洱界集師討之大帥令總兵某先
驅楷言未得彼中虛實且某輕遽不可任使使追之不
及果僨事嗣傳文忠經畧征緬檄楷造船兼理軍需

江陰縣志

卷十七

人物 政績

五十一

大兵刻日下蠻莫江緬勢窮蹙乞罷兵顧尙畱使人蘇爾相
不遣備邊戍卒尙萬餘楷請增塘汛十二定歲歲出防
之策時禁絕商販楷以內地貿易非出口私越比亟請
弛之隴川土司多朝珍與緬人通書事發屬楷鞫治楷
以多氏久襲職馴習諸夷其書無他宜勿問

上嘉其知體要尋以軍功晉二級

賜予有差治騰越十年籌積軍儲興修學校百廢具舉以父喪歸
生平著作甚富有退園詩文十二卷騰越州志十卷其
餘說經諸書及雜著凡二十餘種

趙時煦字春沂監生以捐賑議敘州同知署廣西東蘭州

兼判那地土州事會弄莫等六崗猺蠻竊發從撫軍往
勦時輓運者失期時煦揣軍無宿糧兵多食不給恐生
變亟去騎步行詣上臺借給越日畢償遂率那地鳳山
兵前進爲第一隊慶遠副將某率其標兵爲第二隊雨
甚山水暴漲令左次於洪水河之嫩石村眾念慶遠兵
已冒雨進我以後期至罪當戮時煦以一身任之越日
雨霽率士卒疾馳道見淹斃者相屬悉慶遠兵眾悲憤
感激刻達大崗界營旣立副將某始率所部兵至亡失
過半撫軍廉得其狀大奇之事平署容縣令尋遷江州
有政聲以憂歸居鄉見義勇爲修葺廟學規復名宦鄉
最著者

江陰縣志

卷十七

人物 政績

五十二

賢祠故址增建節孝祠宇輯志稿築立沙洲隄岸江壩
萬頃田賴之購沙田一千九百餘畝充文廟歲修尤其
殷起瀛字步雲父印中治縣有聲起瀛乾隆甲午副貢生
授直隸州州判署定海縣事值洋匪蔡牽逼定邑民震
恐起瀛悉力防禦境獲安遷知石門縣地當要衝民疲
於役起瀛減供頓勞費以紓民困臺司過境廉其情無
苛求者屢折疑獄能披奸發伏以終養歸

包 敏字起元家貧好學乾隆己酉進士初令河南確山

縣再知羅山楚匪跳梁羅與楚毗連敏先事籌備有保

障功遷開封府同知時匪益猖獗豫省騷動大府議於南陽設軍需局以敏攝南陽索倫盛京兵絡繹至需索逗畱敏首揭副將某鞭其悍卒數人眾乃帖服既秦晉兵又大至敏晨出彈壓晝庀治軍械暮理獄訟會寶邨教匪起葉縣復戒嚴奉檄馳往堵禦旋總軍需發審兩局當道重其才歷署彰德陳州衛輝歸德府事所至治行稱最尤善折獄凡遇要案歷數吏未能奏當者經其讞定輒報可擢知雲南楚雄府雄屬夷獠雜處敏寬嚴互用法擾而肅尋乞休歸不名一錢生平於讀書綜貫羣經以顧棟高春秋大事表爲麟經達詁乃本其書兼

江陰縣志

卷十七

人物 政績

五十三

附已意著序經若干卷卒年八十有四

薛志亮字寅贊乾隆癸丑進士授福建松溪縣知縣有大猾聚徒毒鄉里志亮下車悉擒治之調知臺灣值蔡牽陷鳳山郡垣震動志亮集士民固守得勇敢三千人城外建柵鑿濠設大礮部署定身先士卒與同甘苦賊不敢近惟踞洲仔尾地當水陸要衝南北道梗絕志亮乘賊不備密約游擊統兵爲後應自率義勇采入縱火擊殺賊遁南北始通以軍功晉五品銜署臺防同知遷鹿港同知量移淡水以勞卒吏民及番夷數百里皆巷哭蓋爲治能以勤懇得民心故各相愛戴其守臺功績爲

尤著云

季 麟字晴郊乾隆己酉拔貢生甲寅舉人令鉅鹿爲政務損已而厚於民減徭役浮派供頓不足舉債應之初攝西甯篆有無賴子誣富室羣賭富人曹輩願奉六千金求勿株連麟卻之而懲無賴子鉅鹿奸民煽眾事發麟奉檄按名擒之道逢上游所遣吏某授之而還某攘爲已功麟坐本管官不身與名捕事褫職戍烏魯木齊百姓乞留不得釀金爲贖卻弗受老幼追送涕泣者塞衢陌至戊年餘卒麟少日卽工詩文楷法比居京師主於舉主沈初沈故奉

江陰縣志

卷十七

人物 政績

五十四

宸遇

奎章賜和麟常屬草文不加點一時達官相引重麟目守以正見者重其節概云

章 杞字午橋嘉慶己未武科進士由藍翎侍衛出爲浙江衢州遊擊歷署太平鎮海參將陞浙江杭州直隸三屯協副將在鎮海時官鹽價昂杞與縣令約禁胥役母得橫索鹽賈錢屏絕陋規旬日之內鹽價減十五私販裹足先是浙閩總督董教增薦杞堪膺專閫

宣宗御極擢廣東南韶連鎮總兵官莅任後嚴校閱斥苞苴復於官舍旁置塾課兵家子嘗言武士宜稍知大義不然

驅市人而戰也韶民以爭山地將械鬪杞單騎往剖其
曲直檄有司械首事者論如法尤加意於詰盜境內肅
清以病乞休未行卒於官平居務儉約工楷能詩恂恂
有儒將風子烜字蘭渚性灑落愛交游平生吟詩作畫
以筆墨自怡蘭竹尤名重一時孫埏字乃秋庠生工吟
詠有窗破月窺人之句學使李聯琇亟賞之和以詩一
時從而和者數十人著有咫齋初稿

吳 焯字叔翔初署浙江嘉興鮑郎場鹽課大使境有檄
浦城河久淤復值歲旱商運不便焯勸捐貲開濬以工

代賑兼濟飢民後署玉泉場場隸甯波象山縣縣有南

江陰縣志

卷十七

人物 政績

五十五

田禁山孤懸海中閩廣盜船私梟俱泊此鹽政延庚欲
開墾靖盜焯謂此山爲甯紹門戶若通內地則二郡可
虞請仍封禁以憂歸服闋署雲南開化府馬白同知補
香鹽井大使兼署威遠同知俱以廉直稱及委署麗江
縣與上官有隙被劾旋里焯秉性方耿善養生壽至八
十九無疾終

朱世純字誠齋乾隆甲午鄉薦初令夏津爲

巡幸駐蹕之區道路橋梁向需民力獨捐廉任之又修築城垣及
開挑馬頰河親往督率不辭勞瘁後任鳳陽治兼兩邑
道通九省鄰境逆匪據城羽檄交馳過兵絡繹世純畫

夜巡防堅志守城兼籌餉糈民賴以安至今感頌焉
薛 淇字應霖乾隆丁未進士吏部主事典試山右分校
禮闈以得士稱旋以郎中調戶部坐糧廳清釐通州壩
弊出守湖南以清查倉庫稱

旨權永州事莅任半載擒祁陽大猾蔣南隆雪桂陽民歐陽萬福
冤獄知常德拯武陵各坑水災所至有善政門人粵撫
祁墳志其墓

繆廷槐字對揚寄籍順天嘉慶甲子舉於鄉聯捷進士令
項城有政聲丁憂服闋揀發甘肅適甯夏回民以牧畜
入蒙古阿拉善王地界爲所搶掠回民嘯聚王左袒部

江陰縣志

卷十七

人物 政績

五十六

落指索倡亂回日時廷槐已調署涇州卽請制府將指
名者械繫單騎帶赴外藩反覆開導事寢旋受那文毅
知擢貴德同知嚴於緝捕終任無械鬥案後攝西甯府
篆奉檄至貴德履勘屯田蒙番感悅卒於官

沈芝田字伯華秉性嚴重援例爲縣令知浙江昌化德清
等縣勤於聽斷卓有政聲尤嚴豪強兼并之禁嘗蓄千
金良藥遇鬥毆傷重輒出以療之謂人曰傷者苟得不
死則彼犯或可量與末減全一命而兩命并全吾之願
也再知休甯一如在浙時平生好蓄書畫及金石文字
至萬數千卷鑒別尤精

季芝昌字仙九學承祖訓艱苦植品道光辛巳舉人官國

子監助教壬辰成進士一甲第三人及第改編修癸巳

大考擢侍讀己亥 大考擢少詹事洊至都察院左

都御史軍機大臣閩浙總督芝昌以文章受

宣宗特達之知散館第一 大考兩次第三皆出

御定自是

主眷日隆

召對陳事鉅細靡遺尋將大用不僅視爲文學侍從之選也視學

山東浙江安徽他學臣衡文取士而已芝昌則釐剔積

弊整飭士風持法綦嚴而士心不怨中外有公正廉明

江陰縣志

卷十七

人物 政績

五十七

之目充會試同考官江西正考官得士最盛若曾國藩

田雨公錢振倫萬青藜楊重雅皆所取士也奉

命查辦長蘆鹽務清查天津府屬倉庫閱視海口礮臺又

命查詢東南兩河節浮費裁冗員事宜又

命往浙清查倉庫酌辦鹽務及漕糧改折情形芝昌悉體察周詳

指陳利弊應改應仍悉中肯綮又以山西屢出大案

命往巡撫未幾

特召爲軍機大臣

宣宗不豫同受

顧命

文宗登極贊襄密勿持正不阿出爲閩浙總督專任徐宗幹以靖
臺灣密保葉紹春以辦洋務特舉畢承昭段光清以勵
廉能嚴御英夷領事韋謝嚴以絕滋擾降撫洋盜布興
有以肅海蒞凡關國計民生知無不爲爲無不盡以咸
豐三年引疾旋里至今閩浙稱頌不忘光緒二年士民
籲請

予諡奉

旨賜諡文敏四年奉

旨入祀浙江名宦祠著有感遇錄丹魁堂集

金安世字子晉有孝行博綜諸經嘗教授生徒以供甘旨

江陰縣志

卷十七

人物 政績

五十八

性嚴重不妄交游尤究心程朱之學鄉黨咸宗仰之舉
道光壬辰鄉試大挑以知縣用歷任江西石城會昌浮
梁等縣所至清白著聲雖治從寬簡而持法綦嚴劇盜
姦民莫不改肅其解浮梁任也會粵賊犯饒境大吏諗
其能且爲百姓所親愛仍令籌辦守禦事宜未幾以勞
勩卒著有二禮考證十卷管窺錄六卷北游日記十卷
介石軒文鈔十二卷

夏子齡字百初道光丙申會試第一由禮部主事改知縣
初知汲縣有政聲再任深澤調饒陽咸豐十年畿輔戒
嚴土匪蜂起賈龍等分股率二千餘人由富莊驛犯境

盤踞小堤邨親督練勇民團迎擊斬馘無算股匪始散
境內賴以安謐奉

旨優獎調宛平擢知易州同治六年馬賊游掠鄰境又親督鄉勇
堵禦卒不能入七年捻氛竄擾復督率團勇堅守要隘
布置井然民乃恃以無恐至舉行保甲籌辦賑濟凡地
方要務罔不綱舉目張紳民感德請

旨祀易州饒陽名宦祠

曹毓瑛字琢如內行肫摯伉爽不設城府道光丁酉拔貢
兵部七品小京官直軍機處癸卯舉人累陞郎中
記名御史擢鴻臚寺少卿咸豐十年

江陰縣志

卷十七

人物 政績

五十九

蹕駐木蘭肅順端華等方用事時

行在樞府乏人有以資深才瞻舉薦者力辭不就其深識遠慮不
爲榮利所動也如此同治元年

兩宮皇太后垂簾聽政端華等伏誅乃

命在軍機大臣上學習行走遷順天府丞洊至兵部尚書金陵粵
匪平

賞頭品頂戴花翎毓瑛在樞院久內嫺掌故外悉四方利病贊畫
五年髮捻以次蕩平凡所獻納多口陳面對不欲形諸
章疏以故嘉謨碩畫人罕能知當軍務倥偬之際雖夙
夜在公殫精竭慮未嘗言籌箸功焉年僅五十有四遺

疏上

朝廷震悼贈太子少保

諭賜祭葬

予諡恭愨

蘇宗勤字曉山以縣丞分發福建洊陞同知咸豐三年會

匪陷海澄大府委攝龍溪篆甫視事郡城卽陷宗勤乃

激勵民團規復郡城而澄廈一帶均爲賊踞困守孤城

援軍不至籌措餉糈堵禦巨寇先後四十餘戰斬獲無

算間道始通旋調署長泰南靖等縣殘破之餘實心安

撫七年又調龍溪值粵匪竄擾漳郡震動督卒練勇擒

江陰縣志

卷十七

人物 政績

六十

獲永定首匪孔得六民心乃安仍回靖任八年卸篆委

辦汀屬軍務時連城逆匪大熾由芷溪進勦屢獲大勝

臘春之交股匪蝟集前後圍裏軍心惶亂勢不能支力

竭陣亡事聞於

朝

贈道銜

予卹廕

賜祭葬銀兩祀連城及本府縣昭忠祠

江陰縣志卷之十七終

